

# বাংলাদেশ গেজেট



জাতিরন্ত সংঘা

কর্তৃপক্ষ কর্তৃক প্রকাশিত

রবিবার, এপ্রিল ২২, ১৯৯০

৪ম খণ্ড—বেসরকারী ব্যক্তি এবং করপোরেশন কর্তৃক অর্ধের বিনিময়ে জারীকৃত বিজ্ঞাপন ও নোটিশনসমূহ।

সংবিধিবদ্ধ সংস্থাসমূহের অন্য মডেল বনফ-ভাতা প্রবিধানমালা

বাংলাদেশ অভ্যন্তরীণ নৌ-পরিবহন কর্তৃপক্ষ

বি আই ডিগ্টিউ টি এ ভবন

১৪১—১৪৩, মতিঝিল বাণিজ্যিক এলাকা

ঢাকা-১০০০

প্রজ্ঞাপন

ঢাকা, ৯ই মাঘ, ১৩৯৬/২২শে জানুয়ারী, ১৯৯০

নং এম, আর, ও ২৫-আইন/৯০/এস ওয়াই-১১/৭০৯—Bangladesh Inland Water Transport Authority Ordinance, 1958 (LXXV of 1958) এর sections 12 এবং 13 তে প্রদত্ত ক্ষমতাবলে বাংলাদেশ অভ্যন্তরীণ নৌ-পরিবহন কর্তৃপক্ষ, সরকারের পূর্ব অনুমোদনক্রমে, নিম্নরূপ প্রবিধানমালা প্রণয়ন করিলেন:—

১। সংক্ষিপ্ত শিরোনামা ও প্রয়োগ।—(১) এই প্রবিধানমালা বাংলাদেশ অভ্যন্তরীণ নৌ-পরিবহন কর্তৃপক্ষ কর্মচারী বনফ ভাতা প্রবিধানমালা, ১৯৯০ নামে অভিহিত হইবে।

(২) ইহা অবিলম্বে কর্তৃপক্ষ এর সকল কর্মচারীর প্রতি প্রযোজ্য হইবে।

২। সংজ্ঞা—বিষয় বা প্রসংগের পরিপন্থী কোন কিছু না থাকিলে, এই প্রবিধানমালার:—

(ক) “উপযুক্ত কর্তৃপক্ষ” অর্থ এই প্রবিধানমালার অধীন কোন ক্ষমতা প্রয়োগ বা দায়িত্ব পালনের উদ্দেশ্যে কর্তৃপক্ষ এবং উহার চেয়ারম্যান;

(খ) “কর্তৃপক্ষ” অর্থ বাংলাদেশ অভ্যন্তরীণ নৌ-পরিবহন কর্তৃপক্ষ অধ্যাদেশ, ১৯৫৮ (অধ্যাদেশ নং LXXV) এর অধীন প্রতিষ্ঠিত বাংলাদেশ অভ্যন্তরীণ নৌ-পরিবহন কর্তৃপক্ষ;

( ৩৬৪৩ )

মুদ্রা: ৬০ পরমা

- (গ) “কর্মচারী” বলিতে কর্তৃপক্ষ এর যে কোন কর্মচারীকে বুঝাইবে এবং একজন কর্মকর্তা বা শিকানবীগও ইহার অন্তর্ভুক্ত;
- (ঘ) “কিলোমিটার ভাতা” অর্থ প্রবিধান (৪) ৪ এ নির্ধারিত কিলোমিটার ভাতা ;
- (ঙ) “দৈনিক ভাতা” অর্থ প্রবিধান ৫ এ নির্ধারিত দৈনিক ভাতা ;
- (চ) “পরিবার” অর্থ কোন কর্মচারীর স্ত্রী বা স্ত্রীগণ বা ক্ষেত্রমত স্বামী এবং উক্ত কর্মচারীর উপর সম্পূর্ণভাবে নির্ভরশীল পুত্র, অবিবাহিতা বা বিধবা কন্যা, পিতা, মাতা এবং মৃত পুত্রের স্ত্রী বা স্ত্রীগণ ও সন্তান-সন্ততি।
- (ছ) “ব্যয়বহুল স্থান” অর্থ ঢাকা, চট্টগ্রাম, খুলনা, রাজশাহী, সিলেট ও নারায়ণগঞ্জ পৌর এলাকা ;
- (জ) “সমপ” অর্থ কর্তৃপক্ষ এর কার্য পালনের উদ্দেশ্যে বা উহার স্বার্থে সমপ ;
- (ঝ) “সমপ ভাতা” অর্থ এই প্রবিধানমানার অধীন প্রদেয় আর্থিক সুবিধাদি ;
- (ঞ) “হেড কোয়ার্টার” অর্থ উপযুক্ত কর্তৃপক্ষ কর্তৃক ভিন্নভাবে নির্ধারিত না হইলে, সংশ্লিষ্ট কর্মচারী যে কার্যালয়ে কর্মরত সেই কার্যালয়।

৩। কর্মচারীগণের শ্রেণী বিভাগ।—সমপ ভাতার প্রাপ্যতা নির্ধারণের উদ্দেশ্যে কর্মচারীগণকে নিম্নবর্ণিত শ্রেণীতে বিভক্ত করা হইবে, যথা :—

- (১) ক—শ্রেণী—সংশোধিত নূতন বেতন স্কেলের ১৬৫০—৩০২০ বা তদুর্ধ্ব স্কেলের সকল কর্মচারী ;
- (২) খ—শ্রেণী—ক—শ্রেণীভুক্ত কর্মচারী ব্যতীত অন্যান্য এমন সকল কর্মচারী যাহাদের মূল বেতন সংশোধিত নূতন বেতন স্কেলে ১২৫০ টাকার কম নহে ;
- (৩) গ—শ্রেণী—ক, খ ও ব শ্রেণীভুক্ত কর্মচারী ব্যতীত অন্যান্য সকল কর্মচারী ;
- (৪) ঘ—শ্রেণী—এম, এল, এস, এস এবং সমপদমর্ধীদা সম্পন্ন কর্মচারীগণ।

৪। বিভিন্ন প্রকার যানবাহনে সমপের জন্য সমপ ভাতার হার।—(১) রেলপথ বা পট্টমারে সমপের ক্ষেত্রে কর্মচারীগণ নিম্নরূপ শ্রেণীতে সমপ করিবার এবং নিম্নবর্ণিত হারে ভাতা পাইবার অধিকারী হইবেন :—

কর্মচারীর শ্রেণী	সমপের শ্রেণী	সমপ ভাতা
১	২	৩

ক—শ্রেণী

(১) সংশোধিত নূতন বেতন স্কেলের ৩৭০০—৪৮২৫ টাকা বা তদুর্ধ্ব বেতন ক্রমভুক্ত কর্মচারী।

শীতাতপ নিয়ন্ত্রিত শ্রেণী এবং উক্তরূপ শ্রেণী না থাকিলে নিম্নতর উচ্চতম শ্রেণী।

প্রকৃত জাড়া, আগল সংরক্ষণের জন্য অতিরিক্ত ধরচ (যদি থাকে) ও আনুষঙ্গিক ধরচ বাদ উক্ত ভাতার ৫০%।



১	২	৩
(২) অন্যান্য কর্মচারী	প্রথম শ্রেণী	প্রকৃত ভাড়া, আসন সংরক্ষণের জন্য অতিরিক্ত খরচ (যদি থাকে) ও আনুষঙ্গিক খরচ বাবদ উক্ত ভাড়ার ৮০%।
খ-শ্রেণী	দুইটির বেশী শ্রেণী থাকিলে দ্বিতীয় শ্রেণী এবং শুল্ক দুইটি শ্রেণী থাকিলে উচ্চতর শ্রেণী।	প্রকৃত ভাড়া ও আনুষঙ্গিক খরচ বাবদ উক্ত ভাড়ার ৮০%।
গ-শ্রেণী	দুইটির বেশী শ্রেণী থাকিলে দ্বিতীয় শ্রেণী এবং শুল্ক দুইটি শ্রেণী থাকিলে নিম্নতর শ্রেণী।	ঐ
ঘ-শ্রেণী	নিম্নতম শ্রেণী	ঐ

তবে শর্ত থাকে যে, কোন কর্মচারী রেলপথে বা প্লিমারের যে শ্রেণীতে ভ্রমণ করিতে অধিকারী সেই শ্রেণীতে ভ্রমণ না করিয়া নিম্নতর কোন শ্রেণীতে ভ্রমণ করিলে বা তাহাকে নিম্নতর শ্রেণীতে ভ্রমণ করিতে হইলে, তিনি ভ্রমণ ভাতা বাবদ উক্ত শ্রেণীর প্রকৃত ভাড়া এবং যে শ্রেণীতে ভ্রমণের অধিকারী উপরোক্ত হারে সেই শ্রেণীর আনুষঙ্গিক খরচ পাইবেন।

(২) সংশোধিত নূতন বেতন স্কেলের ৩৭০০—৪৮২৫ টাকা বা তদুর্ধ্ব বেতন ক্রমভুক্ত ক-শ্রেণীর কর্মচারী বাংলাদেশের অভ্যন্তরে বিমানের ইকনমি শ্রেণীতে ভ্রমণের অধিকারী হইবেন :

তবে শর্ত থাকে যে, বিশেষ পরিস্থিতিতে উপযুক্ত কর্তৃপক্ষ অনুমতি প্রদান করিলে অন্য কোন কর্মচারীও বিমানে ভ্রমণ করিতে পারিবেন।

(৩) বিমানে ভ্রমণজনিত দুর্ঘটনার ঝুঁকির ব্যাপারে বিমানে ভ্রমণকারী কর্মচারীর কোন ব্যক্তিগত বীমা পলিসি না থাকিলে এবং অনুরূপ ভ্রমণের পূর্বে তিনি সেই মর্মে ঘোষণা প্রদান করিলে প্রতিটি উড়য়নের জন্য কর্তৃপক্ষ এর খরচে অনধিক দুই লক্ষ টাকার বীমা পলিসির ব্যবস্থা করা যাইতে পারে।

(৪) গড়ক পথে কোন কর্মচারীর ভ্রমণের ক্ষেত্রে, ভাড়া প্রদান করিতে হয় এইরূপ কোন যানবাহনে উক্ত কর্মচারী গড়ক পথে ভ্রমণ করিলে, প্রবিধান ৭ ও ৮ এর বিধানাবলী সাপেক্ষে, তিনি নিম্নবর্ণিত হারে কিলোমিটার ভাতা পাইবেন, যথা:—

কর্মচারীর শ্রেণী	কিলোমিটার ভাতার হার (প্রতি কিলোমিটার বা উহার অংশের জন্য)
ক-শ্রেণী	১.০০ টাকা
খ-শ্রেণী	০.৮০ টাকা
গ-শ্রেণী	০.৬০ টাকা
ঘ-শ্রেণী	০.৪০ টাকা

ব্যাখ্যা—“গড়ক পথে ভ্রমণ” বলিতে নৌকা, স্পীড বোট বা যন্ত্রচালিত নৌকাযোগে ভ্রমণও অন্তর্ভুক্ত হইবে।

(৫) কোন কর্মচারী কর্তৃপক্ষ এর কোন যানবাহনে বা কর্তৃপক্ষ কর্তৃক ভাড়া কৃত বা অন্যবিধ-ভাবে সংগৃহীত যানবাহনে ভ্রমণ করিলে তিনি প্রতিবছর ৫(২) অনুসারে শুধুমাত্র দৈনিক ভাতা পাইবেন।

৫। দৈনিক ভাতা —(১) এই প্রতিবন্ধনের অন্যান্য বিধানাবলী সাপেক্ষে, কোন কর্মচারী তাহার হেডকোয়ার্টার হইতে ৮ কিঃ মিঃ ব্যাসার্ধের বাহিরে কোন স্থানে ভ্রমণ করিলে এবং এইরূপ ভ্রমণের কারণে হেডকোয়ার্টার হইতে তাহাকে অন্ত্যন আট ঘন্টা কাল অনুপস্থিত থাকিতে হইলে, উক্ত সময়ের ব্যয় নির্বাহের জন্য তিনি নিম্নবর্ণিত হারে দৈনিক ভাতা পাইবেন :—

কর্মচারীর শ্রেণী	সাধারণ স্থানের জন্য দৈনিক ভাতার হার।	ব্যয়বহল স্থানের জন্য দৈনিক ভাতার হার।
১	২	৩
ক-শ্রেণী (১) মাসিক মূল বেতন অন্তর্ধ ২৪০০ টাকার কম হইলে	৩২'০০ টাকা	কলাম-২ এ উল্লিখিত হার ও উহার এক-তৃতীয়াংশ।
(২) মাসিক মূল বেতন ২৪০০ টাকার বেশী কিন্তু ৩৬৯৯ টাকার বেশী না হইলে	৩৬'০০ টাকা	ঐ
(৩) মাসিক মূল বেতন ৩৭০০ টাকা বা ততোধিক হইলে	৩৬'০০ টাকা এবং ৩৭০০ টাকা বেতনের অতিরিক্ত প্রতি ১০০০ টাকা বা উহার অংশ বিশেষের জন্য ৮'০০ টাকা	ঐ
খ-শ্রেণী (১) মাসিক মূল বেতন ১২৫০ টাকা বা উহার বেশী কিন্তু ১৮৪৯ টাকার বেশী না হইলে	২৫'০০ টাকা	ঐ
(২) মাসিক মূল বেতন ১৮৫০ টাকা বা ততোধিক হইলে	২৫'০০ টাকা এবং ১৮৫০ টাকা বেতনের অতিরিক্ত প্রতি ৫০০ টাকা বা উহার অংশ বিশেষের জন্য ৩'০০ টাকা।	ঐ
গ-শ্রেণী	সর্বনিম্ন দৈনিক ভাতা ১৫ টাকা সাপেক্ষে মাসিক মূল বেতনের প্রতি ২০০ টাকা বা উহার অংশ বিশেষের জন্য ৩'৫০ টাকা	ঐ
ঘ-শ্রেণী	১৫'০০ টাকা	ঐ



(২) কোন কর্মচারী কর্তৃপক্ষ এর কোন যানবাহনে বা কর্তৃপক্ষ কর্তৃক ভাড়াকৃত বা অন্য-বিধভাবে সংগৃহীত যানবাহনে হেডকোয়ার্টার হইতে তের কি: মি: ব্যাসার্ধের বাহিরে কোন স্থানে বসণ করিলে এবং এইরূপ বসণের কারণে তাহাকে হেডকোয়ার্টার হইতে অন্যান্য ৮ ঘন্টাকাল অনুপস্থিত থাকিতে হইলে তিনি উপ-প্রবিধান (১) এ নির্ধারিত হারে দৈনিক ভাতা পাইবেন, এবং এইরূপ ক্ষেত্রে তিনি কোন কি: মি: ভাতা পাইবেন না।

(৩) ঋগড়াছড়ি, বান্দরবন ও রাংগানাটি এলাকায় কোন কর্মচারীর বসণের ক্ষেত্রে তিনি সরকারী কর্মচারীগণের বেলায় প্রযোজ্য বিধিমালা বা অন্যবিধ নিয়মাবলী, প্রয়োজনীয় অভি-বোজনসহ, অনুসারে দৈনিক ভাতা পাইবেন।

(৪) কোন কর্মচারীর বসণকালে হেডকোয়ার্টারের বাহিরে দশ দিনের বেশী কিন্তু ৬০ দিনের বেশী নয় এইরূপ সময় অতিবাহিত করিলে তিনি, উপ-প্রবিধান (১), (২) এবং (৩) এর বিধানাবলী যাপ্যে, নিম্নবর্ণিত হারে দৈনিক ভাতা পাইবেন:—

- (ক) প্রথম দশ দিনের জন্য পূর্ণ হারে;
- (খ) প্রথম দশ দিনের পরবর্তী বিশ দিন পর্যন্ত সময়ের জন্য পূর্ণ হারের তিন-চতুর্থাংশ;
- (গ) দফা (খ) তে উল্লিখিত সময়ের পরবর্তী ত্রিশ দিন সময়ের জন্য পূর্ণ হারের অর্ধেক হারে;
- (ঘ) ৬০ দিনের অতিরিক্ত সময়ব্যাপী অবস্থান করিলে তিনি কোন দৈনিক ভাতা পাইবেন না।

৬। দৈনিক ভাতার পরিবর্তে হোটেল খরচ।—(১) বসণ কালে ব্যয়-বহুল স্থানে অবস্থানের জন্য কর্তৃপক্ষ বা সরকার বা অন্য কোন স্থানীয় কর্তৃপক্ষের নিয়ন্ত্রণাধীন কোন অতিথি-শালা, ডাকবাংলা বা গার্মেন্ট হাউজ বা বিশ্রামশালায় স্থান সংকুলান না হইলে, কর্তৃপক্ষ কর্তৃক নির্ধারিত ব-শ্রেণীভুক্ত কর্মচারীগণকে দৈনিক ভাতার পরিবর্তে কর্তৃপক্ষ কর্তৃক নির্ধারিত হারে বা হোটেলে অবস্থানের প্রকৃত ভাড়া, দুইয়ের মধ্যে বাহা কম, এবং উক্ত সাধারণ দৈনিক ভাতার ৫০% প্রদান করা যাইতে পারে :

তবে শর্ত থাকে যে, এই উপ-প্রবিধানের অধীনে নির্ধারিত হারের পরিমাণ দৈনিক ৮০০ টাকার বেশী হইবে না :

আরও শর্ত থাকে যে, উক্ত ভাড়ার মধ্যে সুরা জাতীয় বা হালকা পানীয়, লন্ড্রী খরচ বা বহুশিশ অস্ত্রভুক্ত হইবে না।

(২) উপ-প্রবিধান (১) এর অধীনে ভাড়া গ্রহণ করিতে হইলে, সংশ্লিষ্ট কর্মচারী বসণ ভাতা বিলে এই মর্মে প্রত্যায়ন করিবেন যে, তিনি কর্তৃপক্ষ বা সরকার বা কোন স্থানীয় কর্তৃপক্ষের নিয়ন্ত্রণাধীন কোন গার্মেন্ট হাউজ বা ডাকবাংলা বা অতিথিশালায় বা বিশ্রামশালায় অবস্থানের সুবিধা পান নাই, এবং তিনি উক্ত বিলের সহিত হোটেল ভাড়া প্রদানের রসিদও রাখিল করিবেন।

৭। বদলীর ক্ষেত্রে ভ্রমণ ভাতা—এক কর্মস্থলে হইতে অন্য কর্মস্থলে কোন কর্মচারীর বদলীর ক্ষেত্রে,—

- (ক) তিনি রেলপথ বা ষ্টীমারে ভ্রমণ করিলে তাহার নিজের জন্য একটি প্রকৃত ভাড়া এবং তাহার প্রাপ্য শ্রেণীর অতিরিক্ত দুইটি ভাড়া প্রদান করা হইবে, এবং তাহার সংগে পরিবারের সদস্যগণ ভ্রমণ করিলে, প্রত্যেক পূর্ণ বয়স্ক ব্যক্তির জন্য একটি এবং শিশুর জন্য অর্ধেক ভাড়া প্রদান করা হইবে; এইরূপ ক্ষেত্রে প্রকৃত ভাড়া প্রদান করা হইবে এবং ইহা উক্ত কর্মচারী যে শ্রেণীতে ভ্রমণের অধিকারী তাহার অতিরিক্ত হইবে না ;
- (খ) তিনি গড়কপথে ভ্রমণ করিলে তাহার নিজের জন্য এবং তাহার সহিত ভ্রমণকারী পরিবারের অনধিক দুইজন সদস্যের প্রকৃত ভাড়া এবং প্রত্যেকের জন্য একটি অতিরিক্ত ভাড়া প্রদান করা হইবে; এবং দুই জনের অধিক সদস্যের প্রত্যেকের জন্য একটি করিয়া প্রকৃত ভাড়া প্রদান করা হইবে;
- (গ) ব্যক্তিগত মালামাল পরিবহনের খরচ বাবদ সরকারী কর্মচারীদের ক্ষেত্রে প্রযোজ্য বিধিমালা বা নিয়মাবলী অনুসারে প্রকৃত খরচ এবং প্যাকিং খরচ প্রদান করা হইবে;
- (ঘ) তাহার পরিবারের সদস্যগণ উক্ত কর্মচারী কর্তৃক দায়িত্ব হস্তান্তরের পরবর্তী ছয় মাসের মধ্যে নূতন কর্মস্থলে পৌঁছাইলে বা বদলীর কালে পুরাতন কর্মস্থল হইতে অন্যত্র গমন করিলে দফা (খ) বা (গ) অনুসারে তাহার পুরাতন কর্মস্থল হইতে নূতন কর্মস্থল পর্যন্ত ভ্রমণ বাবদ প্রাপ্য ভাতা প্রদান করা হইবে।

৮। কিলোমিটার ভাতা ও উহা নির্ধারণের পদ্ধতি।— (১) ভ্রমণের ব্যয় নির্বাহের উদ্দেশ্যে কিলোমিটার ভাতা প্রদান করা হইবে এবং যাত্রা আরম্ভের স্থান ও ভ্রমণ স্থানের দুরত্বের ভিত্তিতে উহা নিরূপিত হইবে।

(২) কিলোমিটার ভাতা নির্ধারণের উদ্দেশ্যে দুইটি স্থানের মধ্যে স্বল্প দুরত্ব বা অধিকতর সুবিধাজনক পথে ভ্রমণ অনুমোদন করা হইবে।

(৩) যে পথে স্বল্পতম সময়ে ভ্রমণ করা যায় তাহাই স্বল্প দুরত্বের পথ গণ্য হইবে, এবং এই ব্যাপারে কোন সন্দেহ থাকিলে উপযুক্ত কর্তৃপক্ষ তাহা নির্ধারণ করিবে।

(৪) কোন কর্মচারী স্বল্প দুরত্বের পথে ভ্রমণ না করিলেও উহা যদি স্বল্প ব্যয়সম্পন্ন হয় তাহা হইলে এইরূপ স্বল্প ব্যয়সম্পন্ন পথে ভ্রমণ বাবদ ভ্রমণ ভাতা দেওয়া যাইতে পারে।

(৫) ভ্রমণের স্থান রেলপথ বা ষ্টীমার দ্বারা সংযুক্ত হইলে কিলোমিটার ভাতা প্রদেয় হইবে না :

তবে শর্ত থাকে যে, রেলপথ বা ষ্টীমার যোগাযোগ থাকা সত্বেও গড়ক পথে ভ্রমণ সংঘটিত হইলে উপযুক্ত কর্তৃপক্ষ রেল বা ষ্টীমারে ভ্রমণের ক্ষেত্রে প্রযোজ্য শ্রেণীর ভাড়ার অধিক নহে এইরূপ ভাতা মঞ্জুর করিতে পারেন।

৯। বিদেশে যাত্রাভাতার ভ্রমণ ভাতা।—কোন কর্মচারী বিদেশ ভ্রমণ করিলে তিনি সরকারী কর্মচারীদের ক্ষেত্রে প্রযোজ্য বিধিমালা বা নিয়মাবলী, প্রয়োজনীয় অভিব্যোজনসহ, অনুসারে ভ্রমণ ভাতা পাইবেন।



১০। ভ্রমণ আদেশ।—ভ্রমণে যাওয়ার পূর্বে সংশ্লিষ্ট কর্মচারী উপযুক্ত কর্তৃপক্ষের অনুমোদন সংগ্রহ করিবেন।

১১। ভ্রমণ আরম্ভ ও সমাপ্তি স্থান।—উপযুক্ত কর্তৃপক্ষ ভিন্নরূপ সিদ্ধান্ত গ্রহণ না করিলে, সাধারণতঃ সংশ্লিষ্ট কর্মচারীর হেডকোয়ার্টারকে ভ্রমণের আরম্ভ স্থল এবং ভ্রমণকারীর গন্তব্য স্থলকে ভ্রমণ সমাপ্তির স্থান হিসাবে গণ্য করা হইবে।

১২। ভ্রমণ ভাতা বিল পেশ করার সময়সীমা।—(১) বদলী ব্যতীত অন্যান্য ভ্রমণের ক্ষেত্রে ভ্রমণ সমাপ্তির পর হেডকোয়ার্টারে প্রত্যাবর্তনের তারিখ হইতে ত্রিশ দিনের মধ্যে ভ্রমণ ভাতা বিল পেশ করিতে হইবে, তবে উপযুক্ত কর্তৃপক্ষ বিশেষ ক্ষেত্রে উক্ত সময়সীমা অনধিক দুই মাস পর্যন্ত বর্ধিত করিতে পারে।

(২) বদলীর ক্ষেত্রে পুরাতন কর্মস্থলের দায়িত্বভার হস্তান্তরের বা দায়িত্বমুক্ত (রিলিফ) হওয়ার ছয় মাসের মধ্যে ভ্রমণ ভাতা বিল পেশ করিতে হইবে, তবে উপযুক্ত কর্তৃপক্ষ বিশেষ পরিস্থিতিতে, উক্ত সময়সীমা তিন মাস পর্যন্ত বর্ধিত করিতে পারে।

(৩) উপ-প্রবিধান (১) বা (২) এ নির্ধারিত সময়সীমার পর কোন ভ্রমণ ভাতা বিল পেশ করা হইলে উহা মঞ্জুর করা হইবে না।

১৩। অগ্রিম ভ্রমণ ভাতা, ইত্যাদি।—(১) উপযুক্ত কর্তৃপক্ষ ভ্রমণ আদেশের ভিত্তিতে সংশ্লিষ্ট কর্মচারীর প্রাপ্য আনুমানিক ভ্রমণ ভাতার অনধিক ৮০% অগ্রিম ভ্রমণ ভাতা মঞ্জুর করিতে পারে, এবং উক্ত অগ্রিম (ভ্রমণ ভাতা) সমন্বিত না হওয়া পর্যন্ত উক্ত কর্মচারীকে আর কোন অগ্রিম ভাতা দেওয়া হইবে না।

(২) বদলীর ক্ষেত্রে উপ-প্রবিধান (১) এ উল্লিখিত হারে অগ্রিম ভ্রমণ ভাতা ছাড়াও সংশ্লিষ্ট কর্মচারীকে তাহার এক মাসের মূল বেতনের সমপরিমাণ অর্থ অগ্রিম প্রদান করা যাইবে, এবং সংশ্লিষ্ট কর্মচারী নতুন কর্মস্থলে যোগদান করিলে তিনটি সমান কিস্তিতে তাহার মাসিক বেতন হইতে উক্ত অগ্রিম কর্তন করা হইবে।

১৪। আসন সংরক্ষণ বাতিল, ইত্যাদি।—কোন ভ্রমণের ক্ষেত্রে ভ্রমণ-সূচী পরিবর্তনের কারণে ভ্রমণকারীকে তাহার সংরক্ষিত আসন বাতিল করিতে হইলে এবং উক্ত বাতিলকরণের ফলে কোন অর্থ কর্তন করা হইলে, উপযুক্ত কর্তৃপক্ষ উক্তরূপ বাতিলের পরিস্থিতি বিবেচনা করিয়া, কর্তনকৃত অর্থকে ভ্রমণ ভাতার অংশ গণ্য করিয়া ভ্রমণ ভাতা মঞ্জুর করিতে পারে।

১৫। স্থায়ী ভ্রমণ ভাতা।—এই প্রবিধানমালার অন্যান্য বিধানাবলীতে যাহা কিছুই থাকুক না কেন, যে সকল স্থায়ী কর্মচারীকে সাধারণতঃ ব্যাপকভাবে ভ্রমণ করিতে হয়, সেই সকল কর্মচারীর জন্য কর্তৃপক্ষ সরকারের পূর্ব অনুমোদনক্রমে লিখিত আদেশ দ্বারা মাসিক ভিত্তিতে স্থায়ী ভ্রমণ ভাতা নির্ধারণ করিতে পারে।

১৬। পার্শ্বত্যা চট্টগ্রাম এলাকার ভ্রমণের ক্ষেত্রে ভ্রমণ ভাতা।—কোন কর্মচারী ঋগুড়াছড়ি, ঝালরবন ও রাংগানাটি এলাকার ভ্রমণ করিলে তাহাকে সরকারী কর্মচারীগণের বেলায় প্রযোজ্য বিধিমালা বা অন্যবিধ সিরসাবলী, প্রয়োজনীয় অভিযোজনসহ, অনুসারে ভ্রমণ ভাতা প্রদান করা হইবে।

১৭। **স্বরণ ভাতা বিলের ফরম।**—কর্তৃপক্ষ, লিখিত আদেশ দ্বারা, স্বরণ ভাতা বিলের ফরম এবং উহা উপযুক্ত কর্তৃপক্ষের নিকট রাখিলে পদ্ধতিও নির্ধারণ করিতে পারিবে।

১৮। **উপযুক্ত কর্তৃপক্ষের ক্ষমতা, ইত্যাদি।**—(১) উপযুক্ত কর্তৃপক্ষ কর্তৃক স্বরণ ভাতা বিল অনুমোদিত না হইলে কোন কর্মচারীর স্বরণ ভাতা বাবদ প্রাপ্য অর্থ প্রদেয় হইবে না।

(২) স্বরণ ভাতা বিল অনুমোদনের সময় উপযুক্ত কর্তৃপক্ষ স্বরণ ভাতা বিলে প্রদত্ত সকল তথ্য, দাবীকৃত অর্থের যথার্থতা এই প্রবিধানমালার বিধানাবলীদৃষ্টে পরীক্ষা করিবেন এবং প্রয়োজনবোধে বিলে প্রদত্ত তথ্য সম্পর্কিত প্রয়োজনীয় কাগজাদি বা অন্যবিধ তথ্য প্রমাণ তলব করিতে অথবা কারণ লিপিবদ্ধ করিয়া স্বরণ ভাতা বিল সংশোধনের নির্দেশ দিতে বা উহা আংশিক বা সম্পূর্ণরূপে নাকচ করিতে বা দাবীকৃত অর্থের পরিমাণ হ্রাস করিতে পারিবেন।

১৯। **আদালত ইত্যাদিতে সাক্ষ্য প্রদানের ক্ষেত্রে স্বরণ ভাতা।**—কোন আদালত, ট্রাইব্যুনাল বা অনুরূপ কর্তৃপক্ষের সম্মুখে সাক্ষ্য প্রদানের জন্য কোন কর্মচারী স্বরণ করিলে এবং এতদুদ্দেশ্যে তিনি উক্ত আদালত, ট্রাইব্যুনাল বা কর্তৃপক্ষের নিকট হইতে কোন অর্থ গ্রহণ করিলে তিনি কোন স্বরণ ভাতা পাইবেন না।

২০। **অসুবিধা দূরীকরণ।**—স্বরণ সংক্রান্ত কোন বিষয়ে এই প্রবিধানমালায় অপর্যাপ্ত বিধান থাকিলে সরকারী কর্মচারীগণের ক্ষেত্রে প্রযোজ্য বিধিমালা বা অন্যবিধ নিয়মাবলী, প্রয়োজনীয় অভিযোগনসহ, অনুসরণ করিতে হইবে, এবং কোন বিষয়ে এইরূপ বিধিমালা বা নিয়মাবলী অনুসরণে অসুবিধা দেখা দিলে, সরকারের কোন সাধারণ বা বিশেষ নির্দেশ সাপেক্ষে, উক্ত বিষয়ে কর্তৃপক্ষ প্রয়োজনীয় সিদ্ধান্ত গ্রহণ করিতে পারিবে এবং উক্তরূপ সিদ্ধান্ত চূড়ান্ত হইবে।

কর্তৃপক্ষের আদেশক্রমে

আবু সাঈদ

চেয়ারম্যান।